



EMIKORRE EKWATAINE N'OBUGABE BW'ABANTU

Omudumo gw'Amafuta Agatakakenenwirwe ogw'omu Mahanga ga Buturuka Izooba obw' Afirika ogumanyirwe nka East African Crude Oil Pipeline (EACOP) harumu okweragaaniza okuta ekitiinisa omu bugabe bw'abantu n'okuhondera ebiragiro byona ebisemeriire omu biturukukora byona kandi n'okuta omu nkora Emikorre y'Ekitongole ky'Ensi Yona Ekwataine n'Emirimo y'Entaahya hamu n'Obugabe bw'Abantu, Emikorre y'Ekitongole ky'Ensi Eyoleka Enkora Eina Kuhonderwa Ebitongole omu Nsi Yona, Emikorre y'Ebitongole Ebikorra Hamu Emirimo ha Idaara ery'Ensi Yona, ensororokano ez'amaani ez'Ekitongole ky'Ensi Yona Ekikora ha Nsonga z'Abakozi hamu Emikorre ey'Okwegondeza hany'Okwerinda n'Obugabe bw'Abantu.

Emikorre ekwataine n'obugabe bw'abantu neegenderra kuhikya ha bantu amakuru agakwataine n'obugabe bw'abantu obunyakwesigama ha Mudumo gw'Amafuta ogwa EACOP obwo amakuru ganu nigahikibwa hali abanyakukwatwaho abali omu ihanga n'abo abali aheeru y'eihanga.

OMU MIRIMO YAITU YOONA EKWATAINE N'OMUDUMO GW'AMAFUTA OGWA EACOP NITWERAGAANIZA KUKORA BINU:

- Okuta ekitiinisa omu bugabe bw'abantu obu turaaba tuli omu kwirukaniza emirimo yaitu.
- Okwetegereza obulyo obutairweho kwehara okurubairra obugabe bw'abantu nitwesigama ha nkora ey'okuzoora bintu ki ebisobora kurugirra akabi, okupima, okukora, okuhondekerra kandi n'okubaza ha bintu eby'akabi ha bugabe bw'abantu kandi na ha bintu ki ebisobora kuleetwaho emirimo ekwataine n'omudumo gw'amafuta ogwa EACOP, otwaliremu n'okufa ha bugabe bw'abantu abaceke kandi n'abantu abatwarwa kuba bali ab'omu kicweka okusigikira ha ngenderwaho ey'ensi yona, obwo nibo banu; Maasai, Akie, Barbaig na Taturu.
- Okufaayo ha kikura ky'abantu nk'abakazi rundi abasaija kandi n'okurwana muno kurora ngu abakazi nibakuraturwa, nibeetaba kandi nibakuraakurana obu turaaba nitukora emirimo yaitu.
- Okwikazaaho enkoragana hagati y'abanyakukwatwaho otwaliremu okuhikyanganaho amakuru, enkora y'okwehanuuzanganaho enungi kandi ey'amakuru kandi n'okuhanuura n'abo abanyakukwatwaho babe nibasobora kuhayo ensonga zaabu bataine kutiina kwona.
- Okwehanuuzaha ha nsonga yona omu mulingo ogwikirizibwa omu ngeso z'obuhangwa ez'ekicweka, nikikorwa omu bwire kandi omu kutamu ekitiinisa abantu b'ekicweka abatalibaniziibwe emirimo yaitu kandi n'okuhandiika ensonga n'ebigambo by'abantu abo kakuba kyetaagisa.
- Okutaho obulyo bw'okumara ensonga ez'abantu abarukukwatwaho abatalibaniziibwe nikikorwa kuraba omu kuhikiriza emikorre y'okumara ensonga eyeesigama ha Mikorre y'Ekitongole ky'Ensi Eyoleka Enkora Eina Kuhonderwa Ebitongole omu Nsi Yona.
- Okurora ngu omu by'enyikara ha mulimo n'ensasura, abakozi b'omudumo gw'amafuta ogwa EACOP nibateekwamu ekitiinisa eky'obuntu kandi na kampuni rundi ebitongole ebitupataine nabyo kutukorra emirimo rundi kutuguza ebintu nibikora ekintu nikyo kimu. Kinu nikitwarramu okutaho ekiikaro ky'okukorramu ekirungi kandi ekitarumu kabi hali abakozi batangirwa okugwibwaho obutandwa, obuhuta kandi n'endwara ezeesigama ha mulimo.
- Okutanga - Ebikorwa eby'okusoroora omuntu okusigikira ha burugo, ekikura nk'omusaija/mukazi, emyaka, obulema, enyeerabya nk'omusaija/mukazi rundi ha nkwatana omu by'ediini rundi ebitebe. - Ebikorwa eby'omulingo gwona eby'okuturugunya - Okuhahiriza rundi kukozeza omuntu eby'empaka - Okukozeza abaana abato
- Okuta ekitiinisa omu bugabe bw'abantu obw'okubaza ha nsonga, okwebazaho, okutunga amakuru, okwegaita, okusaba ekintu muli hamu, obugabe bw'okuteekereza, okurora ensonga nkooku orukwenda n'ediini.
- Okumanyirra omulimo omukuru ogukorwa ebitongole ebirwanirra obugabe bw'abantu (nkooku gusobororwa omu Kirangirra ky'Ekitongole ky'Ensi Yona eky'Ebitongole Ebirwanirra Obugabe bw'Abantu eky' 1998) omu kutwara omumaiso n'okurwanirra obugabe bw'abantu. Titwikiriza bikorwa byona eby'okutiinisa, kutiinisiriza, kubuza ha muntu obusinge, rundi okuturugunya abo abarukwegondeza omu bugabe bw'abantu obw'okubaza ha nsonga, kuhakaniza rundi kwetaba omu ruteerano obwo nikirugirra ha mirimo yaitu rundi ebitorukukora. Tutwara nk'ekintu kikuru muno ensonga y'okuhoora enzigu yona eba ereeserwe.
- Okutwara omumaiso ensonga ez'okwegondeza hany'okwerinda n'obugabe bw'abantu obu tuba nituhanuura n'abaserikale ba gavumenti boona kandi tuzita omu nkora omu kukozeza abaserikale b'ebitongole ebitali bya gavumenti.
- Okumanyisa gavumenti hali tuli n'abandi abanyakukwatwaho nkooku tweragaaniize okuta ekitiinisa omu bugabe bw'abantu. Hali ali obutakwatagana hagati y'ebinyakusabwa omu biragiro n'emikorre enu ey'obugabe bw'abantu, aho tukuratira emikorre y'obugabe bw'abantu eyatairweho ha idaara ery'ensi yona nitukikora omu mulingo gwona ogurukusoboka.
- Okuta omu nkora emikorre enu kusobora kugarukamu kwekebeijwa akatebe akarukujunaanizibwaho kandi n'okugarurwa buhyaka kusigikira ha kweragaaniza kwaitu okw'okwongerera kusemeza enkora.

Emikorre enu nekwata ha bakozi boona ab'omudumo gw'amafuta ogwa EACOP. Nitutereera ebitongole ebitoragana nabyo n'ebyo ebitorakwasize emirimo, okwerabya omu mulingo ogurukwesigama ha bucweka obuli omu mikorre enu. Tufaayo muno okwongerera kukoonyera abantu kumanya n'okuta ekitiinisa omu bugabe bw'abantu nitukikora n'ebitongole ebitoragana nabyo omu kwirukaniza emirimo, otwaliremu okweyuna n'okukozeza enkora y'ebiragiro n'okupatana emirimo, okutendeka n'okutwara omumaiso enkora ey'okukwataniza n'abanyakukwatwaho kakuba kyetaagisa.